

PK1118
D35

নিনিবি শহরের রিহাই ।

THE DELIVERANCE OF NINEVEH.

—:0:—

শ্রীবিপিন বিহারি শাহা

প্রণীত ।


—:0:—


কলিকাতা

চৌরঙ্গী ২৩ নং ভবনে প্রকাশিত ।

C. V. E. S.

মূল্য এক পয়সা ।





নিনিবি শহরের রিহাই ।

—१०१—

ইনসান করিয়া গুনাহ হয় গুনাগার । নাদান হইয়া
গোসা ভড়কায় আল্লার ॥ আল্লা যদি গোসা ভরে সাজা
দেয় তার । ছুনিয়াতে পড়ে যায় সেরেফ হাহাকার ॥
লেকেন আল্লা গুনাগারে করায় পিয়ার । রাখয়ে হামেশ
আল্লা নফরৎ গুনার ॥ আল্লা যদি এক গুনার সাজা দেয়
কারে । উম্বিদ না থাকে তার আর বাঁচিবারে ॥ লেকেন
আল্লার মর্জ্জি এ কখন নয় । হামেশ গুনাতে ডুবে খল-
কত রয় ॥ এই আল্লার মর্জ্জি শুন বলি তোরে । ছাড়িয়া
গুনার পথ তরফ আল্লা ফিরে ॥ হয়েছে আকসর এই
আগলে জমানেতে । ওসিলা করিল আল্লা ইনসান বাঁচা-
ইতে ॥ তাহাদের মাঝে একের করিব বয়ান । এই
আরজু করি ভাই করিও ধেয়ান ॥

নিনিবি নামেতে ছিল বৃহৎ শহর । মোকাম তাহার
 ছিল টিগ্রিস উপর ॥ লম্বাই চওড়াই তার ছিল এত
 বড় । তিন দিন যেতে লাগে এ পার ওপার ॥ এক লাক
 বিশ হাজার আদমি তাহে ছিল । আওরত বচ্চার শুমার
 কি করিব বল ॥ এহেন শহর ছিল কি বলিব ভাই ।
 কেহ না কখন দিত আল্লার ছুহাই ॥ গোলাম শয়তান
 হয়ে কাটাইত কাল । না জানিত কারে বলে বুরা আর
 ভাল ॥ করিত হাজার গুনা গুনার উপর । কখন করিত
 নাক খোদা তালার ডর ॥ গুনা করে দিল্ তার হইল
 পাথর । আল্লার গজব ভড়কে তাদের উপর ॥ সাজা
 দিবা তরে আল্লা করিল কসদ । চাহিল মারিতে যত
 জন বাচ্চা মরদ ॥ আবার রহেম তখন করিল রহীম ।
 করম করিল কারণ সে হয় করীম ॥ বাঁচাইবারে তাদের
 জান নবী পাঠাইল । নবীরে করিতে ওাজ হুকুম করিল ॥
 নবীর নসীহতে যে করিবে তোওবা । আল্লাহ তালার
 যিনি করিবেক সেবা ॥ তাহারে দিবেক আল্লা তখনই
 রিহাই । গুনাহর সাজা হতে দিবেক বাঁচাই ॥ গুনাগারে

মারতে কভি আল্লা নাহি চায়। অগর কভি গুনাগার
গুনাতে পচতায় ॥

নিনিবি শহরের লোক ছিলেক বজ্জাত। নবীর
যাইতে তথা হল না হিন্মত ॥ কি ভাবিল কি জানি
কহিতে না পারি। ইরাদা করিল দিলে নবী এক ভারি ॥
খোদার হজুর হতে পলাতে চাহিল। পলালে বাঁচিবে
আপন দিলেতে ভাবিল ॥ যাফা নামে ছিল এক বৃহৎ
বন্দর। চড়িল তথায় গিয়া জাহাজ উপর ॥ ভাবিল
পৌঁছিলে পরে দরিয়ার পার। থাকিবে না সে মুলুকে
খোদার একতার ॥ ইনসানের বেওকুফি দেখহ ভাবিয়া।
খোদার হজুর হতে যায় পালাইয়া ॥

তিন দিন সে জাহাজে সফর করিল। বীচ দরিয়াতে
গিয়া আখের পৌঁছিল ॥ চারি দিগে শুন শান কেহ
কোথা নাই। উপরে আসমান নীচে সেরেফ দরিয়াই ॥
ডাহিনে বায়েতে সব ধুঁয়ার মতন। জেজিরা জমীন
কোথা না ছিল যখন ॥ সহজে সহজে তুফান আইলেক
ভারি। ঢেউ উঠিলেক তবে জাহাজোপরি ॥ কাটিল

পালের দড়ি চট চট চট । ফাটিল নায়ের কাঠ পট পটা
 পট ॥ জাহাজ করিল তবে টল টলা টল ॥ ডর সামাইল
 তবে দিলেতে সকল ॥ দোহাই দোহাই ডাকে যত মাল্লা
 ছিল । আপন ২ খোদায় সকলে ডাকিল ॥ রফতে ২
 তুফান বাড়িতে লাগিল । বাঁচিবার আশা তখন সকলে
 ছাড়িল । কেহ বলে খোল দড়ি কেহ বলে ছাড় । কেহ
 বলে পাল তোল বাদাম উপর ॥ কেহ বলে ছাঁকাজল
 ফুরতি করিয়া । জাহাজ এইবার বুঝি যাইবে ডুবিয়া ॥
 কেহ বলে হালকা কর মাল ফেলে দেও । কেহ বলে
 বসে বসে খোদার নাম লও ॥ জাহাজে যতক মাল্লা
 চড়ন্দাজ ছিল । হরেকে হরেক কাম করিতে লাগিল ॥
 এক আদমী ছিল লেকেন জাহাজ অন্তর । ঘুমাইতেছিল
 ভার ছিল না খবর ॥ সে ছিল ইউনাস নবী বলি শুন
 ভাই । আল্লার হজুর হতে যাইল পলাই ॥ জমীন
 আশমান বার কুদরতে হইল । পাক পরিন্দা যার কলামে
 গঠিল ॥ তাহার হজুর হতে পলাতে কে পারে ।
 যদিও ছিপায় গিয়া পাতাল ভিতরে ॥ খোদা বাড়াইল

হাত তাহার উপর। ধরিল তাহারে গিয়া বীচ সমুন্দর ॥
 যদিও তমাম মাল পানিতে ফেলিল। তবুও তুফানে
 জাহাজ ডুবিতে লাগিল ॥ তখন সর্দার দেখে বড়ই
 মুস্কিল। স্মরতি ডালিবারে করিলেক দিল ॥ বলিল সবারে
 ডাকি শুন মলিভাই। ডালিব স্মরতি আমি নামেতে
 সবাই ॥ তাহাতে পাইব টের কাহার কশুরেতে। পড়ি-
 রাছি আমরা আজ এই বিপদেতে ॥ তাহাতে বাহার
 নামে স্মরতি উঠিবে। বিপদে পড়েছি তার কসুরে
 জানিবে ॥ অতএব তারা যখন স্মরতি করিল। ইউ-
 নামের নামে তখন স্মরতি উঠিল ॥ পুছিল তাহার
 গিয়া মালারা সবাই। কাহার গুনাতে বিপদ বল দেখি
 ভাই ॥ কোথাকার লোক তুমি কিসের পেসাদার। শহর
 তোমার বল জবান তোমার ॥ ইউনাম জবাব দিয়া
 কহিল তাহারে। ইব্রানি লোক আমি বলিনু তোমারে ॥
 আসমান জমিন তৈয়ার কুদরতে বাহার। পরিসতিশ
 করি আমি ওহেদ খোদার ॥ বিহোবা নামেতে মশুর
 এই ছুনিয়ার। হিকমতে তাকতে তারে হেথা কেবা

পায় ॥ নিনিবি শহরে মোরে ভেজিলেক সেই ; আল্লার
খবর যেন সেথা গিয়া দেই ॥ নিনিবির লোক শুনি জাত
বড় বদ । তথায় যাইতে মোর না হল হিন্দুদ ॥ ভাবি-
লাম তোমাদের জাহাজে উঠিয়া । খোদার হজুব হতে
যাব পলাইয়া ॥

সকলে বলিল বেকফ তোমার মতন । চক্রেতে না
দেখিলাম আমরা কখন ॥ খোদা তালার হাত হতে
পলান কি যায় । আসিয়া ধরেছে তোরে বীচ দরিয়ায় ॥
এখন বল তো দেখি উপায় কি করি । মোকুফ তুফান
হয় মোদের উপরি ॥ নবীর দিলেতে তবে রঞ্জ উপজিল ।
বাঁচিতে সে জনা আর নাহিক চাহিল ॥ গুনার সমজ
যবে দিল মাঝে হয় । জিন্দিগিতে ধিককার আদমি তবে
কয় ॥ মরিতে বাসনা করে জিন্দিগি ছাড়িয়া । তাতে
ভাবে খোদার হাত যাব এড়াইয়া ॥ বারেক না ভাবে
দিলে মরিতে বাঁচিতে । হামেশ আছিগো মোরা তাহার
হাতেতে ॥ পাতাল মাঝেতে যদি যাইয়া লুকাই ।
খোদাওন্দ হাজির আছে দেখ সেই ঠাই ॥ ইউনাস

বলিল তবে আমারে ধরিয়া । পানিতে সবাই মিলে দেহ
হে ফেলিয়া ॥ ইহাতে হইবে মফুফ পানির তুফান ।
বাঁচিবে ইহাতে আজি তোমাদের জান ॥ শুনিয়া
তাহার বাত তাজ্জুব করিল । হিন্মত দেখিয়া তার হয়-
রাণ হইল । হিন্মত না করে কেহ তাহে ফেলিবারে ।
কোউশিশ করিল বল্ জমি পাইবারে ॥ বীচ দরিয়ায়
কোথা জমি পাওয়া যায় । হয়রাণ হইল ভাবি কি করে
উপায় ॥ বেকশুরে দিতে ফেলে ডর হ'ল দিলে । হইবে
নারাজ খোদা ভাবে সবে মিলে ॥ আখের করিল ছুয়া
খোদার দরগাহ । মাপ করিও মোদের যা হবে গুনাহ ॥
বেকশুরে দরিয়াতে ফেলিবারে চাই । কেননা তোমার
মর্জ্জ জানিনু ইহাই ॥ যত কাম করে লোক যদি ছুয়া
করে । শুবা নাহি থাকে মতলব হাসিল করিবারে ॥
হরেকের তরে এই লাজিম দেখা যায় । হরেক
কামেতে ডাকে ওাহেদ খোদায় ॥ বাদেতে ইহার তারে
পানিতে ফেলিল । সমুদ্র তারে পেয়ে তবে ঠাণ্ডা
হল ॥ চমকিয়া গেল লোক মাজরা দেখিয়া । ছুয়া করি-

লোক কত মানত করিয়া ॥ বিহোবার সামনে তারা কুর-
বান করিল । বিহোবাকে জিন্দা খোদা সকলে ভাবিল ॥

তৈয়ার তখন ছিল খোদার হুকুমে । বহুত বড়া এক
নছলি তাহার করমে ॥ পানিতে পড়িতে ইউনাস তারে
নিগলিল । একবারে গিয়া ইউনাস শিকনে পৌঁছিল ॥
তিন দিন তিন রাত অন্দরে রহিল । বাদ তারে জখি-
নেতে উগলিয়া দিল ॥ হুকুম তখন হলো তাহার উপর ।
মুনাদি করহ গিয়া নিনিবি শহর ॥ চল্লিশ দিন বাদে শহর
হইবে গারত । শহর ও তমাম আর যত ইমারত ॥
তাজ্জুব করিল ইউনাস উপরে উঠিয়া । হায়রাণ হইল
শহর নিনিবি দেখিয়া ॥ ইউনাস পৌঁছিল যখন শহর
ভিতর । মুনাদি করিল তখন লোকের উপর ॥ চল্লিশ
দিন পরে গারত হইবে শহর । তোবা কর আল্লা তানার
এই বেলা ধর ॥ শুনিয়া নবীর কথা হায়রাণ হইল । চট
পরে খাক মেখে তারা তোবা কৈল ॥ মজবুত ইমান
করি খোদাকে ধরিল । যত দূর পারে তারা সব
তোবা কৈল ॥ রোজা করিলেক কত নমাজ করিল ।

রাজা উজীর সবে মিলে দিলে পচতাইল ॥ নন্দা বাচ্চা
সবে তারা ধরিল খোদায় । করম করিল খোদা আপন
হিয়ায় ॥ গুনাগার তোবা যখন আপন দিলে করে ।
করম করয়ে আল্লা তাহার উপরে ॥ নিনিবি উপর তখন
করম করিল । মকরর সাজা তখন টলাইয়া দিল ॥
ইউনাস যাইয়া শহর বাহিরে তখন । ইন্তাজারে রইল
গজব পড়িবে কখন ॥ চল্লিশ দিন রাত যখন গুজরিয়া গেল ।
গজব এলাহি নাহি শহরে পড়িল ॥ আল্লারে কহিল নবি
মিন্নত করিয়া । মোরে তুমি দেও আরাম মৌত
ভেজিয়া ॥ তোমার রহেম বড়া আমি জানিতাম । তার
জন্যে জাহাজেতে আমি ভাগিলাম ॥ গোসনা করতে
ধিমা তুমি রহেমেতে বড় । ভাঙ্গিতে চাহিয়া তুমি ফের
তারে গড় ॥ অতএব জিন্দিগির নাহি কোন কাম ।
মৌত তুমি ভেজ মোরে আরজ করিলাম ॥ নবীর মত-
লব খোদা বুঝিলেক ভাল । হইল গোসনা নবীর
দিলেতে ভাবিল ॥ রাতের ভিতরে এক উগাইল গাছ ।
যথায় ইউনাস নবীর ঘরের কানাছ ॥ রাতের মাঝেতে

গাছ এতক বাড়িল । সারা ঘরে ঐ গাছ ছায়া করে-
ছিল ॥ ঐ গাছ যখন নবী বিহানে দেখিল । ছায়া পেয়ে
তার দিলে বড় খুশি হল ॥ দুশরা রাতে খোদা তালা
কীড়ারে ভেজিল । কীড়া এসে ঐ গাছ জড়তে কাটিল ॥
যখন উঠিল ধূপ বিহান হইল । পাতা লতা সব গাছের
শুকায়িয়া গেল ॥ লু চলিলেক যখন পূরব হইতে ।
গশ আইলেক তখন নবী উপরেতে ॥ গাছ জ্বলে গেছে
দেখে রঞ্জিদা হইল । খোদার নজদিগে ফের মৌত
চাহিল ॥ খোদা তালা তখন তারে কহিলেক বাত ।
গোসসা আপন দিল হতে করহ তফাত ॥ গাছেরে তো
কভি তুমি নাহি লাগাইলে । জল মেচো নাই তুমি ও
গাছের তলে ॥ একই রাতেতে সেই উঠিল বাড়িল ।
একই রাতেতে সেই বরবাদ হইল ॥ তাহার লাগিয়া
তোমার এত খেদ হয় । এক লাক বিশ হাজার আদমি
যাতে রয় ॥ তাহা ছাড়া অপরত বাচ্চা আছে তাতে
কত । কেমনে এমন শহর আনি করি হত ॥ ছোট বড়
যত লোক তথায় আছিল । চট পরে থাক মেখে সব

তোবা কৈল ॥ তাহা সকলের তোবা আমার হজুর।
 আসিয়া পোঁছিল আমি রহমেতে পুর ॥ রহিম আমার
 নাম রহমেতে বড়। ইনসানে হামেশা বলি তোমরা
 তোবা কর ॥ যত লোক করে তোবা আমার
 হুকুমেতে। দাখিল করিব তাদের আপন বাদশাহাতে ॥
 তোবা নাহি করে যে হুকুমে আমার। দোজকে ভেজিব
 তারে দোজক ঘর তার ॥ আল্লা তালার মর্জিঁ যখন
 জানিতে পারিল। খামোশে হইয়া নবী তখন রহিল ॥
 আল্লার করম হল নিনিবি উপর। বকশিল যত গুনাহ
 হয়েছিল তার ॥

কেছা তো সকল তুমি এখন শুনিলে। নসিহত
 কি তুমি হাশিল করিলে ॥ নসিহত যাহা কিছু ইহ
 হৈতে পাই। বয়ান করিনু আমি শুন বলি ভাই ॥
 দুনিয়া নিনিবি শহর জানিবেক ভাই। আমরা সবে গুনা-
 গার দুনিয়াতে রই ॥ গুনা করে মোরা সব হয়েছি
 লাচার। গোসনা ভড়কিয়াছে মোদের উপরে খোদার ॥
 তবভি খোদা হইয়াছে বড় মেহেরবান। বড়ই তাহার

করম বড় তার শান ॥ এই জমানাতে তিনি ভেজিল
বেটারে । ইমান যে আনিবেক তাহার উপরে ॥ বাঁচি-
বেক সেই জন গজব হইতে । নজাত পাইবে সেই সব
আখেরেতে ॥ বাদশাহাতে খোদা তালার দাখিল
হইবে । খোদার বরকতে সাজা সেই এড়াইবে ॥ আসিয়া
ফরজন্দ খোদা এই ছুনিয়াতে । কোরবানিল আপন
জান গুনার বাবতে ॥ উঠাইল সব সাজা আপন উপরে ।
তকলিফ উঠাইল কত আপন শরীরে ॥ আখেরেতে
জান দিল গাছের উপর । গোনাগারে না রহিল মোতের
ডর ॥ আপন কলামে তিনি বলিয়াছে ভাই । গুনাগার
বত আছ তোমরা সবাই ॥ আইন নজদিগ মোর যদি
মান্দা হও । নাজাত আনর কাছে এসে সবে লও ॥
অতএব আরজু এটি তোমার খিদমতে । আপনাকে
সুঁপে দেও মসীর কদনেতে ॥ ইমান আনহ তুমি তাহার
উপর । তোমার থাকিবে নাক মোতের ডর ॥ বখন
করিবে কুচ ছুনিয়া হইতে । দাখিল তখন হবে খোদার
বাদশাহাতে ॥ খোদার ওসিলা তুমি না ধরিলে ভাই ।

কখনই পাবে নাক জানের রেহাই ॥ এক রোজ ইসা
 মশীহ নামহত দিল । চারিদিকে যিহুদিরা ঘেরিয়া দাড়াল ॥
 ইসারে কহিল লোক তার দরমিয়ান । তুমি যে মশীহ
 তার দেখাও নিশান ॥ রঞ্জিদা হইল ইসা দিলের ভিতর ।
 প্রদান করিল তবে তাহারে উত্তর ॥ এত কাল তোমা-
 দের দরমিয়ানে আছি । কেরামত কত মত রোজ দেখা
 ইতেছি ॥ হায় হায় কিবা সঙ্ঘ দিল তোমাদের । নিশান
 দেখিতে খাহেশ করিতেছ ফের ॥ এলাহি নিশান আর
 কত দেখাইব । একই পেশিন গোই তোমারে কহিব ॥
 পুরা ববে পেশিন গোই আমার হইবে । আমি যে ইসা
 মশীহ তখন জানিবে ॥ ইউনাস নামেতে নবী আছিলেক
 যিনি । তিন দিন মছলি পেটে রহিলেক তিনি ॥ তিন-
 দিন বাদে সেই উগলিয়া দিল । আপন শিকমে আর
 রাখিতে নারিল ॥ জানিবে তাহার মত ইনসান বেটারে ।
 তিন দিন থাক্তে হবে জমিন অন্দরে ॥ তিন দিন বেশি জমি
 রাখিতে নারিবে । তিন দিন বাদে মোরে উঠিতে
 হইবে ॥

পেশিনগোই দেখে ভাইপূরিত হইল । ইসাকে মারিয়া
সবে কবরে রাখিল ॥ যেমন বয়ান ইসা আপনি করিল ।
তিন দিন বাদে কবর হইতে উঠিল ॥ জাহির হইল
অনেক লোকের উপর । পথে ঘাটে দেখা দিল গেল
লোকের ঘর ॥ পূরা হল পেশন গোই দেখিয়া সবাই ।
তাহার উপর ইমান আনিলেক ভাই ॥ অতএব আরজু
এই খিদমতে তোমার । ইমান আনহ তুমি উপর
তাহার ॥ সচ মুচ জেন ভাই দিলের অন্তর । তাহা বই
নাই নজাত ছুনিয়া উপর ॥ তারে যদি কর তুমি এবে
অবহেলা । বড়ই মুস্কিল হবে আকবতের বেলা ॥ অতএব
শুণ তুমি মান নসিহত । তোবা করি ইসা মসীহ কর
খিদমত ॥ ফের জেন নিনিবিত্তে ইউনাস যেমন । মছলি
পেট হইতে বাহির হইল যখন ॥ মুনাদি করিল গিয়া
সেই শহরেতে । ইসা মসীহ করে ভাই এই জমানাতে ॥
কবর হইতে বাহির হইল যখন । শাগিদের ছুকুম দান
করিল তখন ॥ যেন সব ছুনিয়াতে সকলেতে গিয়া ।
আগাহ করে সকল জানে তার বাত দিয়া ॥ মসীহি

সকলে সেই হুকুম মানিয়া। মুনাদি করিছে সব ছুনি-
 য়াতে গিয়া ॥ তকলিফ উঠাছে কত দেখহ ভাবিয়া। তবু
 তারা নাহি দেয় মসীহেরে ছাড়িয়া ॥ অনেকে লিখেছে
 বই অনেক রকম। যাহাতে বরবাদ হয় লোকের ভরম ॥
 এইরূপে খোদাবন্দের যত লোক আছে। সকলের
 কাছে গিয়া ইঞ্জিল শুনাইতেছে ॥ এইরূপ ইসা মসীহ
 মুনাদি করিছে। সেই কালে ইউনাস নবী যেমন করি-
 য়াছে ॥ ইমান আনিবে সেই নজাত পাইবে। নতুবা জরুর
 সাজা আখের হইবে ॥ ইঞ্জিল তাহার কিতাব ছুনিয়াতে
 গিয়া। দিতেছে খপর ইসা জাত না বাছিয়া ॥ তোমার
 তরেতে ইঞ্জিল আছয়ে তৈয়ার। পাঠ কর লয়ে তাহা
 ঘরে আপনার ॥ ইনসাফ করিয়া তুমি কবুল করে লও।
 মসীহেরে আপন তেঁই স্ত্রুঁ পে তুমি দেও ॥ এমন বকতে তুমি
 না করিও হেলা। মুস্কিল যেন নাহি পড়ে মোতের
 বেলা ॥ পায়ে দিয়া ঠেল নাক এমন এহসান। ঠেলিলে
 হইবে নাক মুস্কিলে আসান ॥

তমাম ॥

খোঁদা

ছনিয়াকে এমন পিয়ার করিলেন,
যে তিনি আপনার এক জাত বেটাকে
দিলেন ;

যেন যে কেহ তাঁহার উপর

ইমান লয়,

সে নষ্ট না হয়, কিন্তু হামেশার জিন্দপি
পায় ।

যুহান্নকী ইঞ্জীল ৩ ; ১৩ ।



বিজ্ঞাপন ।

নীচের লিখিত কেতাব সকল কলিকাতা
চৌরঙ্গী রোড ২৩ নং ভবনে পাওয়া যায় ।
বিক্রীওয়ালারা বহুৎ কমিশন পাইয়া থাকে ।

গুনাহ ও নজাৎ	৫
ছোট মিশ্রণের কেছা	৫
পএদাএশ নামা	৫
বেহেস্তের বয়ান	৫
গুনাহগার আউরতের বয়ান	৫
ছিপাহ সালার নামান সাহের কেছা				৫
গাহেনের কেতাব	৫
নিনিবি সহরের রেহাই	৫
হজরৎ মুছার কেছা	০

এই সব কেতাব ছাড়া এই দোকানে তৌরেত
জবুর, ইঞ্জিল ওগায়রহ নানা রকম মুছলমানি
কেতাবও বিক্রী হইয়া থাকে !

Printed at the Somprakash Press, for the
C. V. E. Society. 1877.